

delecti *Græcorum* Heroes, *Argonautæ* ab ipso hoc navigio ita dicti, ex *Colchide* *Vellus Aureum* avexerunt, sed etiam opinioni vulgari, quæ creditur prima fuisse navis, quæ mare ingressa navigationi longinquæ interfuerit; & ab audaciâ hominum per *Æquoris* tempestuosos fluctus deducta fuerit. *Martialis* de fragmento *Argus* lib. 8. *Epigram.* 16.

Fragmentum, quod vile putas, & inutile lignum,
Hæc fuit ignota prima carina maris:
Quam nec *Cyaneæ* quondam potuerunt ruina,
Frangere, nec *Seythici* tristior unda *Freti*.
Sæcula vicerunt: sed quamvis cesserit annis,
Sanctior est salva parva tabella rate.

Argus navis fragmentum extabat Romæ, tempore *Martialis*, qui in illud hoc epigramma composuit. Primum *Iasonem* cum *Argonautis* navigasse Poëtis placet. *Manilius* lib. 1.

— — — — — Tam nobilis *Argo*
In Cælum subducta; mari quod prima cucurrit,
Servando Dea facta Deos.

Ovidius.

Per Mare non notum primâ petiere carinâ.
Seneca in *Medea* Act. 1. v. 335. & sequentibus.
Benè dissepti fœdera mundi
Traxit in unum *Thessala* pinus,
Iussuque pati verbera Pontum,
Partemque metus fieri nostri
Mare sepositum. Dedit illa graves
Improba pœnas &c.

Nimis navis *Argo*, quam *Idem* *Primam Carinam* vocat *ibidem* v. 360. & sequentibus

Quid fuit huius
Precium cursus? *Aurea* Pellis;
Majusque mari *Medea* malum,
Merces *Primâ* digna *Carinâ*.

Horum *Authorum* sententiæ astipulatur *Sallustius* apud *Priscianum* lib. 9. & ceteri omnes, qui *Argonautica* scripserunt, ut ex *Græcis* *Orpheus* *Crotoniata*, *Epimenides*, *Cleon*, *Herodotus*, *Appollonius*, *Dionysius* *Milesius*; & ex *Latinis*, *Catullus*, *Varro* *Attacinus*, *Valerius* *Flaccus*, aliique plures, qui sparsim in suis scriptis hanc celebrem *Heroum* *Gratiæ* delectorum navigationem attigere. Sunt tamen etiam qui *Danaidem* à *Danao* & *Ægypti* fratre extraxerunt, omnium primam mare ingressam esse asserant. Sic *Diodorus* lib. 5. Qui autem *Primi* navigationis longinquioris auctores fuerint, veterum narrationes nil nisi meras conjecturas suppeditant. *Erythra* Regi, *Persei* & *Andromeda* filio, à quo *Erythraeum* mare nomen sibi arrogavit, quidam navigationis inventionem adscribunt; Eam *Phœnices* sibi vindicare *Tibullus* & *Mela* volunt; quam *Mysis* nonnulli, *Ægyptius* *Dionysius* *Afer*, *Creta* incolis *Diodorus* acceptam fert. De *Arca* *Noachi* nobis *Christianis* ex *Sacro Codice* constat. Antiquitatis conjecturas *Authoribus* suis relinquimus. disputationum cuiusmodi velitationibus destitutos ad necessitatem, & lucri cupiditatem remittentes, quæ Mortalibus ad varias, & humano usui necessarias artes investigandas viam straverunt. *Seneca* in *Medea* Actu 1.

Navigatio
nis longin-

quos *Primi*
Autho-

Necessitas
& *Lucri*
cupiditas
causæ *Navigatio-*

Mortalium
audacia

Argo inter
Stellas re-

posita

Audax *nimium*, qui freta primus
Rate tam fragili per fida rupit.
Terrasque suas post terga videns,
Animam levibus credidit auris,
Dubioque secans aquora cursu,
Potuit tenni fidei ligno,
Inter vitæ mortisque vias,
Nimium gracili limite ducto.

Carpit *Pocula* *Mortalium*, nihil non intentatum relinquentium, audaciam, ad quam tamen necessitate partim, partim cupiditate lucri impelluntur, quibus duabus rebus excitati homines, piscibus concessum regnum ingredi, stupendâ audaciâ ausi sunt. Quomodocunque autem cum *Primo* *Navis* *Inventore* res se se habeat, *Argo* *Navis* inter *Stellas* reposita, & celeberrimæ illius *Navigatio* *Argonauticæ* memoriam conservare creditur: *Navis* illa ipsa *Iasonem* cum *L. v.* *Heroibus* *Gratiæ* delectis *Colchos* advexit, à *Navarcho* *Tiphy* gubernata, ut Poëtæ testantur, ac cum primis *Seneca* in *Medea*, mox ab initio

— — — — — Quæque dormitorem *steti*
Typhim novam *frangere* docuistis ratem.
Ita cum *Ariete*, cuius fabulam in *Planisphærio* *Arateo* pag. 56.

commemoratur, *Argonautarum* celebrat memoriam, & 45. Stellarum collectione imaginem repræsentat: Una *Stella*. *Canopus* est *Prime*, 6. *Secundæ*, 8. *Tertiæ*, 22. *Quartæ*, 7. *Quintæ*, & 1. *Sextæ* *Magnitudinis*, ut *Veteres* hunc *Asterismum* constituunt. Sed *Tycho* tres tantum *Tertiæ* *Magnitudinis* habet. Alii 42. tantum ad huius *Constellationis* effusionem pertinere ajunt, naturali sua proprietate *Saturninam* indolem referentes, nonnihil tamen *terrali* virtute temperatam. Appellationibus variis designatur, more cæterorum *Astrorum*, in quibus declarandis conjecturarum mirâ variatione signa Poëtica ludere coguntur, adeo ut in talibus pleraque confusa & turbata se offerant. *Argo* *Navis* dicitur, καὶ ἄργον, *Navis*, ἄργον ἵκος, *Argus*, & ἄργον, nomine derivato, vel ab *Argo* Architecto suo, qui ejusdem inter navigandum refarciendæ, curam quoque gerebat. *Valerius* *Flaccus*:

Ad charum *Tritonia* devolat *Argum*,
Moliri hunc puppim jubet, & demittere ferro.

Alii à celeritate ita dictam volunt; ἄργος enim celer est, unde *Probus* argutos dici existimat, quod celeriter ac mulrum loquantur, quo sensu & hirundo arguta appellatur. Vox autem hæc *Græca* ambigua est, & pigrum, atque inertem quoque significat: unde *Martialis* jocus in *Epigr.* 52. lib. 3.

Non nautas puto vos, sed *Argonautas*.
i. e. inertes, pigri, ignavi nautæ. ἄργος *Græcè* piger, desidiosus: *Argonautæ* pigri nautæ, quorum tamen strenuitas apud Poëtâ est celeberrima. Longinquioris Navigationis ratione tardior posset esse reditus, coque nomine etiam tardiores *Nautæ* forsân *Argonautæ* dicerentur. Vocatur porro ἄργον ἵκος *Currus* *Navis*; *Currus* *volitans*; *Navis* *Iasonis* à *Iasone*, quem cum cæteris *Principibus* *Gratiæ* vexit. *Arabibus* *Sephina*, vel in form. gen. *Saphinat*, i. e. *Navis*, ex *Hebraico* ספינה *navis*. Est autem hæc *Constellatio*

quoad *Stellas* primarias & lucidiore nobis perpetua occultationis. Prior duarum in Clavo, seu *Gubernaculo*, *Prime* *Magnitudinis* *Stella*, dicitur καὶ ὦς, *Canopus*, & *Canopus*, quo nomine etiam *Deus* quidam *Ægyptiorum* designatur, de cuius templo videatur *Strabo* lib. 17. Notatur eodem civitas *Ægypti* quædam, ut & parva insula, in *Mediterraneo* *Mari*, quæ objacet *Nili* ostio, quod ab eadem *Canopicum* appellatum est. *Tacitus* lib. 2. *histor.* de oppido illo: Considerare id *Spartani*, ob sepulchrum illic rectorem *navis* *Canopus*, quâ tempestate *Menelaus* *Gratiæ* petens, diversum ad mare, terramque *Libyam* delatus est. *Strabo* quoque lib. 17. *Canopum*, vel *Canobum* *Amyclæum* *Navis* *Menelai* gubernatorem in illo loco mortuum atque sepulchrum fuisse, & dictam civitatem nominis sui participem reddidisse: unde forsân hæc *Stella* idem nomen sortita, quia ipse *naucerus* fuit, ut ejus memoria conservaretur: quippe *navem* gubernasse dicitur, quâ vecti *Argonautæ*, & in his *Menelaus*, *Medæa*, & *Vellus Aureum* in patriam reverterunt. Appellatur quoque hæc *Stella* quâ nullâ ferretur in toto Cœlo illustrior, *Ptolemaus*, *Ptolemaus*, *Terrestis*, & *Ponderosa*, utpote humillima, & quasi circa *Terrem*: *Arabice* *Sohel*, *Sabil*, *Sibil*, *Schil*, & juxta *Schickard* Orthographiam, *Suhilon*, quod est *Canopi* civitatis cognomen. R. *Abrahamus* *Aben Ezra* in suo *Peruscho*, super locum *Amos* 5, de hac lucidissimâ *Navis* *Stella* sic ait, ut *Schickardus* refert. Est propè *Polum Australem* *Stella* quædam magna, & rutila, quæ lingua *Ismaëlitarum* vocatur *Sabil*, & sunt *Stella* minores ipsi vicine, quæ cernuntur aliquando, si quis proficiatur versus *Æquinoctialem*; at *Septentrionales* non vident ullam ex eis: Propterea nominat eas *Sacra Scriptura* *Chadie* *Theman*, h. e. *penetralia* vel *interiora* *Austri*. *Canopi* *Stella* secundum *Ptolemaicam* descriptionem declinata ab *Equatore* 51. grad. ferè, ab *Ecliptica* 70. & ob id à nobis *Europæis* non cernitur, sed per totam *Africam*, *Ægyptum*, *Arabiam*, *Syriam*, *Babyloniâ*, & ubi *Poli Arctici* altitudo non excedit 39. gradum, visui patet. Non igitur mirum est, quod *Plinius* lib. 6. cap. 22. scribat, in *Taprobana* insula *Canopum* lucere, quia citra *Tropicum* *Æstivum* videri potest. *Lucida* in medio scutulo dicitur *Markeb*.

VIII. *HYDRA*, ὕδρα; ὕδρῳ; ὕδρῳ; *Hydrus* *Aquaticus*, *Asina*, *Coluber*, *Anguis*; *Sublimatus*, *Magnanimus*; *Furiosus*; *Fortis*; *Asina*, quasi ἀσείνη, juxta *Bayeri* priorem *Vranometriam*, in *Asterismis* *Almagesti*, ita corruptè dicti ex *Ptolemaica* inscriptione Ὑδρῶς ἄστρῳ. Hoc vocabulum, cum *Orionis* cognomentum sit, huc non pertinet. *Fulget*

Nomina.

Stella.

Lucidissima est Stella.

VIII. HYDRA.

D.R.A. Nomina.